

Dana 18.11.2016 godine Sonja Pržulj, direktorica Američkog kutka Banjaluka i savjetnik programa EducationUSA, održala je u prostorijama Ekonomskog fakulteta Brčko predavanje na temu mogućnosti studiranja u Sjedinjenim Američkim Državama, ali i različitim oblicima dostupnih modela usavršavanja, kako na području van-nastavnih, tako i dodiplomskih, post-diplomskih, doktorskih i post-doktorskih studija.



Prisutnoj publici koju je sačinjavala srednjoškolska populacija, svršeni srednjoškolci, studenti svih godina studija, asistenti i ostalo nastavno osoblje Fakulteta, prezentovane su precizne informacije na temu odabira univerziteta, pojašnjene mogućnosti aplikacija za postojeće stipendije i procedure dobijanja studentske vize, precizirani programi Američke ambasade u Bosni i Hercegovini, te istaknut višestruki značaj uspostavljanja profesionalnih kontakata i sticanja internacionalnog iskustva kroz lični angažman u navedenim aktivnostima.



Nakon jednočasovnog predavanja dogovorene su i konkretne buduće aktivnosti, prvenstveno posjeta predstavnika Američke ambasade u Bosni i Hercegovini, a zatim i mogućnosti zajedničkih projekata Američkog kutka, Ambasade i Ekonomskog fakulteta Brčko.

